

Ninsaal yel-segdt noy gānegr sebre (yŭŭmd 1948)

Keoogre

B wilgame tt ninsaal bʊʊd fāa tara a burkīndlim la a yel-segdt tōod sēn pa ytt̩d a to, tt b pa tōen n dtk tōod-bāmb n koos bt n tek a badawā, n yaa dūni wā bāan gāaga, ned fāa sēn so a vttm tt yembd kaala, la wēg-taab kaalem dūni wā pʊgē yēgrā.

B wilgame tt ninsaal sēn da tog ne yel-segdt ninsā kaalmā waa ne bi-beelem la pāng buud toor-toor sēn sām dūni wā zāng sūuri, la b yākamen moon tt dūni ning sēn na n wa zīnd-a tt ninsaalbā na n wa so b mense, n tōe n gom b sēn date, n tē b sēn date, n wa yi rabeem, yaecsg la far buudā fāa pŭgē wā, n yaa ninsaal sēn baood ne a sūur fāa n yūdā.

Tt sēn yttūd fāa yaa tt ninsaāl yel-segdt wā tog n paamame tt b koglg-b ne noy buud sēn na ytl tt ned ra wa bao a sēn na maan n pōs pān-wōrdem b sēn maand-a n kong n wēneg n kē wēnem maan n lebs pŭgē wā.

D sēn mi tt segdame tt d keng tēms ne taab zood yōkr zīndgrā.

D sēn mi tt nasōzini (tēmsā fāa lagem-n-taar kāsengā) le mooname n wilg b tēeb ninsaal burkīndlem la a ttrlem pānga, pag la rao yel-segdt sēn zem taabā, tt b le wilgame tt b ratame n mao n paas ninsaalbā

vttm sōmblem tt yt ned fāa sēn so a meng vttmē wā tt yel kāng pāng yttg a pīndā.

D sên mi tt tẽms nins sên be nasôzini lagem-n-taarã pŭgẽ lagma ne lagem-n-taarã n nk sard n na n sông tt dũni wã pŭgẽ bt ned fãa tũ ninsaalb yelsegdt wã sên gãneg noy ninsã.

D sēn mi tt ninsaal yel-segdt noy bāmba gānegr sã n yt lagem-n-taarã ne a kēedbã n na n naag taab n maan-b n na n sōng tt b tũubã yt sōma wã.

Pipi koEEga.

Ninsaalbã fãa sã n doge, ned fãa so a menga, ned pa rogd n yaa yamb ye, nebã fãa zema taab b yel-segdt la b burkĩndlem wEEngẽ. Nebã fãa tara yam la tagsgo, ned fãa togame n vtĩnd ne a to saam-biir pũgẽ.

KoEEg a 2 soaba.

Ned fāa tara sor n tōe n dt seb-kānga sēn gāneg noy ninsā yōodo tt bakr buud ka zīnd ye, pa tūus f sēn yaa buud ning ye, f yīng kōbg sēn ya-a soab ye, f yaa pag bt rao ye, f wēnd-sor sēn ya-a soab ye, f sēn yāk n tik politik ninga, bt tēeb buud a to ye, f tarem sēn ya-a soab ye, f sēn dog ne b rāmb ye, bt būmd buud a taab sēn bakd ye.

Sẽn paasde, pa tõe n tik ned tẽng politik neng sẽn ya-a soab n bak a soab noy-bãmbã yõod rtũb wEEngẽ ye, pa tũus tẽngã sã n so a menga bt a sã n be zamaan a to yembdẽ.

KoEEg a 3 soaba.

Ned buud fãa tara sor n tõe n vtinde, n soog a menga la a gũnug a menga.

KoEEg a 4 soaba.

Pa tog n dtk ninsaal buudã fãa n maan yamb ye bt n weoog-a ye. Yembdã ne nebã koosgã gtdgame, ba sãn wa n ya yembd buud nin fãa.

KoEEg a 5 soaba.

Pa tog n stbg ninsaal buudã fãa ye, pa tog n stbg ninsaal tt stbgrã yt toog wŭsgo, tt pa sãn na maan ninsaal ye.

KoEEg a 6 soaba.

Ned fãa tara sor tl sãn wa n ya sllg ning fãa, bt b sak n deeg a sãn yaa ned ning buud bõ-kaoor soog taoore.

KoEEg a 7 soaba.

Ninsaalbã fãa zema taab lalao taoore, b fãa tog n paama lalao wã koglglo tt bakr ba a ye pa zĩnd ye. Nebã fãa tara sor n tõe n paam tt b koglg-b ne bakr buud fãa sẽn na n wa maan n ktts seb-kãnga noy wã sẽn gãnegã, ne bũmb nins sẽn na n wa ne bakr-bãmba.

KoEEg a 8 soaba.

Ned buud fãa tara sor n tõe n kẽng a tẽngẽ bũũd soog taoore n tt bũ ne weoogre, stbgr buud fãa b sẽn maan-a, tt ninsaalb yel-segdt sebrã gtdge, tt laloa mi tiiri.

KoEEg a 9 soaba.

Pa tar sor n tõe n yõk ned zaalem, n pag-a roogo bt n yis-a a tẽgẽ n tt ning zĩlg a to tt laloa zt tiir ye.

KoEEg 10 soaba.

Ned buud fāa tara sor wa laloe sēn wilgā, t'a yell ta bŭ-kaoodb sēn so bŭŭdā, n tōe n kao tt pān-dāmb ka lob b toogo, la sēn bŭŭd std taoore, tt b bŭ nin-buiid taoore n wilg a yel-segdt bt a tŭlae-yēla, bt n wilg b sēn yet tt yēnda soabā maana bŭmb ningā kongr sēn taē.

KoEEg 11 soaba.

B sā n yeel tt ned maana bŭmb sēn kis n dat n paalg-a, sā n pa b wa n bŭ-a lame tt bŭŭdā yt neb fāa taoore, t'a paam sōangd sēn mams n paas a poorē fāa, ket n ya wa yēnda soabā pa maan bŭmbā ye.

B pa tōe n bŭ ned n paalg-a bŭmb a sēn maan bt a sēn pa maan yīnga, sā n mikame tt yellā sēn maanā wakato, bŭŭd soog nengē yel bāmba ra pa kis ye. Sēn paasd me, b sā n bŭ yellā, b pa tar sor n tōe n kō ned ning sēn maan-a yellā stbgre tt yttg yellā sēn maanā sasa laloe sēn da gāneg stbgr buud nins yel-bāmb wEEngē wā ye.

KoEEg 12 soaba.

[Missing]

KoEEg 13 soaba.

Ned buud fāa tara sor n tōe n gō a tēngē, n kēng zīīs nins fāa a sēn date, la a yāk a sēn dat n zīndē.

Ned buud fāa tara sor n tōe n yi tēngē n lebg n wa a meng tēngē, a le tara sor n tōe n yi a meng tēngē n kēng tēn-taaga la a le lebg n wa a tēngē.

KoEEg 14 soaba.

Ned sā n wa be toog zug tēngē tt b namsd-a wŭsgo, a soab tara sor n tōe n yi n bao gāag-sobend tēms a taabē, a le tara sor n tōe n paam tt b reeg-a tēn-bāmbē.

La sā n mikame t'a sēn maanā, laloe gtdgame tt b mik tt yaa stda, bt sā n mikame t'a sēn maanā pa zems ne nasōzini (tēmsā lagem-n-taar kāsengā) sēn gāneg noy ninsā, a pa tar sor-kāng ye.

KoEEg 15 soaba.

Ned buud fāa tara sor n tōe n paam tēng-n-biilim tika.

B pa tar sor n tōe n wōr ned n menes a tēng-n-biilim ye, b le pa tōe n gtdg-a t'a ra teem a tēng-n-biilim ye.

KoEEg 16 soaba.

Pag ne rao yŭŭmd sā n ta kāadem b tara sor n tōe n kē kāadem la b tilg yir tt pa tŭus b yiibā buud sēn ya-b rāmba, b tēng-n-biilim bt b wēnd sor tŭudum. Kāadmā kēesg noy pŭgē, b yiibā yel-segdt yaa a ye, pa yttđ to ye, kāadmā vtŭm wakato la a kaoob wakat me b yel-segdt wā ya a ye.

Kāadem pa tōe n kēes tt pa tŭ ne kāad-ratbā sakr sēn pa tŭ ne modgr ye.

Zak yaa tēng yēgre (tēng bōn-bulli). A yaa tēng vtŭm sŭuri. Tēngā neb togame n koglg-a, goosneerā (leta wā) togame n koglg-a.

KoEEg 17 soaba.

Ned buud fāa, f ya f ye bt f bee sull pŏega, tara sor n so a bŭmbu.

B pa tōe n wōr ned n deeg a sēn so ye.

KoEEg 18 soaba.

Ned fāa tara sor n tōe n tags a sēn date, n bŭgs a sēn date la a tŭ wēnd-sor ninga a sēn date. Sor-kāng a sēn tarā wEEngē a tōeeme n teem wēnd-sor n tŭ bt n teem tēbo a le tōeeme n wilg a wēnd-sor bt a tēbo ne kaorengo, maana maanego tt yt yēnda a ye bt n naag ne a taaba tt yt neb sŭka bt bāmb bal ne taaba.

KoEEg 19 soaba.

Ned buud fāa tara sor n tōe n tē a sēn date la a gom a sēn date, rēnda n ktt tt ned pa tog n zoe rabeem ne a tēeb wilgri, la a tar sor n tōe n bao n bāng kibay la a paam kibay n tall-b n piuug zīīg fāa n pa ges tēmsā tods ye, tt yt ne rabay buud fāa a sēn date.

KoEEg 20 soaba.

Ned buud fāa tara sor n tōe n paam n maan tigsga la lagem-n-taar sull sēn pa tar yēla (sēn pa na n wa ne gudgri).

B pa tōe n modg ned ab a ye t'a kē lagem-n-taar pŭgē ye.

KoEEg 21 soaba.

Ned buud fāa tara sor n tōe n ning a toog a tēng vŭtm tŭŏmĕ, a tōeeme n maan tŭŏmd a toore bt tŭ ne neb b sĕn yāk tt b let lagem-n-taara sull n tŭmdĕ, tt nin-bāmb yākrā yaa sĕn maan tt pa tŭ ne modgr ye.

Nin-buiidā sĕn dat bŭmb nina la tēngā zāab tŭŏm tikda.

Nin-buiidā raabā wilgr tog n tŭu ne vot sĕn na n maan tt zāmb ka zĭnd ye, votā me tara wakat sōor n tog n le maane, votā tōeeme n maan tt yt nin-buiid vote, bt gŭls n vot buud a to sĕn wĕnd wa bāmba sĕn maand tt ned fāa tōe n yāk a sĕn dat-a soaba.

KoEEg 22 soaba.

Ne buud fāa, a sĕn yaa nin-buiidā ned a ye wā yĭnga, a toga ne ninsaalb yel gesg soogā sōngre. Sōngrā yaa arzEka, vŭtm sōmblem la rog-n-mik wEEngĕ sĕn yaa tŭlae ne ninsaal burkĭnd la a tŭrlem baoobo, a mengā yidgr yĭnga, sĕn na n tŭ ne tēnga meng tŭŏmde n paas tĕms ne taab lagem-n-tŭm pāng tt zems ne tēng fāa tŭŏm yōgeng sĕn ya to-to la a laog sĕn zem tEka.

KoEEg 23 soaba.

Ned buud fāa tara sor n tōe n paam tŭŏmde, n tōe n yāk a sĕn dat tŭŏmd nina tt tŭ ne tŭŏmdā kŭun sĕn na n maan tt wĕgb pa zĭnd ye, la b koglg-a ne tŭŏmā kaalem.

Nebā fāa tog n paama yaood sĕn zems ne b sĕn maan tŭŏmd ningā tt wĕgb ka ye.

Ned ning fāa sĕn tŏmd-a toga ne yaood sĕn zems a sĕn maane, ti sĕn paamdā sek yĕnda ne a zak rāmb vŭtm tt yt burkĭnd pŏgĕ, tt sā n mik tt segdame; bt a paam tt b paas-a sōngr buud a taaba.

Ned buud fāa tara soor n tōe n naag neb a taaba n lulg sĕndika sulli (tŭntŭmdb sōngr sulli) sĕn na kogend tŭntŭmdbā nafo.

KoEEg 24 soaba.

Ned buud fāa tara sor n tōe n paam vŭŏsem la yō-noogre, bŭmb zāng la tŭŏmā wakat sōor tEk wilgri n paas vŭŏsem. Vŭŏsmā geendame n tar wakat-wakato, vŭŏsmā sasa b tog n yaoa a soaba.

KoEEg 25 soaba.

Ned buud fāa tara sor n tōe n paam tarem sĕn na n sek a meng la a zak rāmb laafi la b vŭtm sōmblem baoobo, bŭmb zāng la rtŭbā wEEngĕ, yeelgrā (futā), zĭ-gāadgā, ttbsgā n paas vŭtmā sōmblem baoob tŭŏm nins sĕn segd-b ne yĕ wā. A sā n wa pa tar tŭŏmde, a sā n wa bĕedĕ, a sā n wa lebg kamsa, a sā n wa lebg pŭg-kōore bt ra-kōore, a sā n wa kŭŏle bt bŭmb buud a taab sā n wa kitt t’a pa le tōe n dŭlg la a ges a meng yelle, tt yaool n pa tŭ ne yĕnda a maan tt yellā paam-a, a togame n paam sōngre.

Biig pŭg sasa la a yāadem wakato, a tara sor n tōe n paam sōngre la koglgo. Kamba fāa, f roga kāadem pŭgĕ tt b rogame tt b ba rāmbā pa kĕ kāadem ne taaba, b fāa segda ne sōngre.

KoEEg 26 soaba.

Ned buud fāa tara sor n tōe n paam kaorengo. Kaorengā tog n ytt zaalem, ba tt na yt yāadmĕ kaorengā (kaoren-sŭngā). Yaa tŭlae tt kambā paam kaoren-sŭngā. Tŭŏm-minim la nus tŭŏm zāmsg kaorengā togame n piuugi. Karen-do bĕdā kaorengā tog n maaname tt neb nins fāa bāngr sĕn sek be taabā paam n kĕ tt zāmb pa zĭnd ye.

Kaorengā sĕn tog n gĕeg bŭmb nins yaa ninsaal mengā yidgri la ninsaal yel-segdt noy sebrā tŭub pāng paasgo. Kaorengā togame n sōng tt tĕmsā ne taab wŏm taab moore, buudā toor-toorā bt wĕnd-sor tŭudum toay-toayā wŏm taab moore, tt sull fāa sak a to sĕn yala la b yōg taab zoodo. A togame yasa n sōng tt nasōzini (tĕmsā ne taab lagem-n-tay kāsengā) tŭŏma kĕng taoore, sĕn na yil ti bāana gāand dŭni wā pŭgĕ.

Ba rāmbā n yaa pipi n tar sor n tōe n yāk wubr ning buud (kareng ning buud) bāmb sĕn dat tt b kambā paame.

KoEEg 27 soaba.

Ned buud fāa tara sor n tōe n ning a meng nin-buiidā rog-n-mik sull tŭŏmĕ (vŭtmĕ), n rt tŭŏm-minmā bāngr yōodo la a naag n tŭm bāngrā baoob tŭŏmĕ wā la a paam n dt tŭŏm bāmba sĕn wat ne yōod ninsi.

Ned fāa tara sor n tōe tt b koglg a bāngr yōodo la a bāngr teedo, tt yaa sebr la a gŭls yā, bt yaa te-naands la a maan yā.

KoEEg 28 soaba.

Ned buud fāa tara sor n tōe n dat tt bāan zĭnd nebā ne taab sŭk tĕnsĕ wā, la tĕnsā ne taab sŭka, tt seb kānga sĕn wilg yel-segdt ninsā tōog n paam n yt stda

KoEEg 29 soaba.

Ninsaal tara tŭlae-tŭŏm ne a neba (a nin-buiidu), bala a mengā yidgr pa tōe n maan tt pa yt na a nebā pŭgĕ vŭtm ye.

Ned yel-segdt tŭub pŭgĕ, la a sĕn tar sor n tōe n maan a sĕn datā wEEngā, ned fāa toaag sĕn tekĕ yaa lalao sĕn wilg bŭmb ninsa, sĕn na ytl n sōng tt ned fāa bāng a to yel-segdt la a sĕn tar sor n tōe n maan a yam. Sĕn paasd me, yaa sĕn na ytl tt b tōog n tŭ ninsaal vŭtm sōmblem noy wā, ninbuiidā vŭtm noy wā tŭubu la nebā fāa vŭtm sōmblem baoobo, sā n yaa tēng zāab buud ning sĕn ya nin-buiid naam n zāad-a wā.

Yel-segdt bāmbā la maan-m-yam bāmbā pa tōe n dŭk n maan tt pa yt wa nasōzini sĕn gāneg noy ninsā sĕn datā ye.

KoEEg 30 soaba.

Seb-kāngā gomd ba a ye pa tōe n wa rtk t’a yt wa tēng a ye, goosneer a ye bt ned a ye yell ye, t’a soab tik rēnda n dat n maan būmb sēn na ytl n sāam yel-segdt la maan-m-yam nins sebrā sēn gomd-b rāmb yellā ye.